



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

9



ԱՂԻՍՏԱԽՈՐԻ

ԵՐԳԵՐԸ

1130

ԳՐԻՆՆ Է 3 600.

891.99-192

Ա-65

1907 թ.

15 APR 2009

13 APR 2011

№ Հրատ. ԵՐԻՏԱՍԱՐԻ ԴԱՇՆԱԿՑԱԿԱՆՆԵՐԻ 4

91.99-122

Ա-65

1



9P

ԱԳԻՍՏՆԻՈՐԻ

ԵՐԳԵՐԸ

7- Միլարսեթաթ
69- Limonest - France

1907 թ.

ԻՆՉ ԷՆ ՈՐ լինի

(Ըստ Բեորնսի)

Թէև աղքատ ես, թէև պարզ բանւոր,
 Բայց քո գլուխը դու բարձր պահիր.
 Դու հպարտ պահիր, ինչ էլ որ լինի:
 Ստոր նոքարի կողքիցը անցիր,
 Վրան մի նայիր, համարձակ եղիր,
 Ինչ էլ որ լինի!

Ինչ էլ որ լինի, ինչ էլ որ լինի!
 Թող աղքատ լինի, թող քաղցած լինի,
 Մարդը ոսկի է, պաշտօնը սին բան,
 Ինչ էլ որ լինի!

Թող քո կերածը միայն հաց լինի
 Եւ քո հագուստը կտաւէ շապիկ,
 Թող լիրբ հարուստը միշտ փլաւն ուտի
 Ամեն օր փոխի ատլասի շապիկ.
 Հպարտ ու անկախ սոգամարդ եղիր,
 Ինչ էլ որ լինի!

Ինչ էլ որ լինի, ինչ էլ որ լինի
 Առանց ատլասի, առանց ճոխ ճաշի
 Աշխատաւորը հպարտ պիտ լինի,
 Ինչ էլ որ լինի!

ՄԱՇՏՈՑԻ
 ԱՆՎԱՆ
 ՄԱՏԵՆԱԴԱՐԱՆ
 1130

ՀԱՅԱՍՏԱՆԻ
 ԱԶԳԱՅԻՆ
 ԳՐԱԴԱՐԱՆ
 ՀԱՄԵՆ
 1153-2009

«Պատուաւոր» աղան եթէ կամենայ,
 Աշխատաւորը քաղցած կը մնայ,
 Սակայն այդ աղան ինչ էլ որ անի,
 Ինչ էլ որ չանի—մեծ աւագակ է,
 Ինչ էլ որ լինի!

Ինչ էլ որ լինի, ինչ էլ որ լինի,
 Թող շքանշան, աստղեր ունենայ.
 Հպարտ ու անկախ աշխատաւորը
 Վրան կը նայի, կուշտ կը ծիծաղի:
 Ինչ էլ որ լինի!

Համոզւած եղիր, բանւոր ժողովուրդ,
 Որ քո տենչանքը պիտի կատարւի,
 Որ կը դայ մի օր—մօտ է այդ օրը—
 Եւ աշխատանքը կը յաղթանակի,

Ինչ էլ որ լինի, ինչ էլ որ լինի,
 Արդարութիւնը պիտ յաղթանակի:
 Բազմատանջ մարդը իւր մարդ եղբօրը
 Հաւասար ընկեր պիտի ճանաչի:
 Ինչ էլ որ լինի!



* * *

Այստեղ մեր զիւղում կայ մի դատարան,
 Մի զարհուրելի, դժոխն տանջարան.
 Ուր մարդիկ բնաւ չեն աճապարում
 Դատապարտեալի կեանքին վերջ տալու:

Այստեղ տանջում են առանց փութալու,
 Այստեղ դժոխք է, դժոխք սոսկալի.
 Այստեղ համրում են առանց յոգնելու
 Հառաչը մարդկանց, ծանր, ողբալի:

Ֆարքիկանտները դահիճ են մի մի,
 Կառավարիչը քսու ոստիկան....
 Առանց ամօթի, խղճահարութեան,
 Քերթում են կաշին աշխատաւորի:

Սրիկաներ դուք! Իժի ծնունդներ!
 Դուք դժոխային անուլի դէեր!
 Դուք, որ ծծում էք արիւնն աղքատի,
 Թող մեր անէծքը ձեր վարձքը լինի:

Չուր է արտասուք, դուր է աղաչանք,
 Յուսահատական ճիչ ու պաղատանք...
 «Թէ չէք հաւանում, քաղցից սատկեցէք,
 «Կին ու զաւակով սովամահ եղէք»:

Եւ այս ցաւերը անծայր ու անվերջ...
Եւ տառապանքը այս թշուառներին...
Կտոր հաց անգամ չը կայ տանը մէջէ
Ո՛հ, միթէ սորանք չեն ողորմելի...

Ողորմածութիւն. օ՛ վեհ զգացում,
Ձէ տրւած ձեզ պէս մարդակերներին.
Գողի ձեռներով խլել էք ուզում
Աշխատաւորի շապիկը վերջին:

Այստեղ մեր զիւղում կայ մի դատարան,
Մի զարհուրելի, դաժան տանջարան.
Ուր մարդիկ բնաւ չեն աճապարում
Դատապարտեալի կեանքին վերջ տալու:

Գերհարդ Հառապուման

ՎԵՐՁԻՆ ԴԱՍԸ

(Շուրջբալտեան մօտիւններից)

Շիրիմ են փորում դպրոցի կողքին
Եւ զինւորները պատրաստ են արդէն:
Աշակերտները լալիս են սաստիկ,
Իրենց ուսուցչին շուտով կը սպանեն:

Իր սանիկների լացը լսելով
Նա այսպէս խօսեց, հանգիստ, անխռով.
«Թողէք ձեր լացը, ուշադիր եղէք—
Իմ վերջին դասը պիտի աւանդեմ:

Թէ ինչպէս պէտք է ապրել աշխարհում—
Իմ դասերի մէջ ասել եմ արդէն.
Հիմա էլ տեսէք, սիրուն բալիկներ,
Թէ ինչպէս պէտք է մեռնել աշխարհում»:

Ի Մօրդովնսով

Մ Ա Ր Ս Ե Լ Ի Ե Ջ

Հրաժարւենք այս հին աշխարհից,
Թօթափենք նրա փողին մեր ոտից.
Պէտք չեն մեզ կուռքերը ոսկի
Եւ ատելի է պալատը ցարի:
Գնանք քաղցած մարդկութեան այցի—
Դէպ շարքերը տառապող եղբօրց—
Նրա հետ թշնամուն մենք անէ՞՞ք թափենք
Ու օրհասական մարտի հրաւիրենք:
Ելիր, բարձրացիր, բանւոր ժողովուրդ!
Ելիր դու կուի, եղբայր սովատանջ!
Հնչիր կոչը վրիժառու
Յառաջ, յառաջ, յառաջ, յառաջ:

Հարուստների մի անկուշտ վոհմակ
Կողոպտում է քո սուրբ աշխատանք,
Եւ պարարտացած դառն քրտինքովդ
Խլում են հացի վերջին կտորդ:
Սովամահ եղիր—որ զւարձանան,
Սովամահ եղիր—որ խիղճ, պատիւ

Իսպառ մոռացած, կեանքի խնջոյքում
 Անամօթաբար քեզ ծաղրի հանեն:
 Ելիք, բարձրացիր... և այլն:

Գերեզմանն է լոկ քո հանգստարան...
 Նոր օրւայ համար միշտ տուրք պատրաստիր...
 Եւ Յարը դահիճ քաշում է քո շիզ
 Եւ Յարը վամպիր խմում քո արիւն:
 Նրա գօրքին պէտք են զինւորներ—
 Զաւակդ տուր գօրքը լրանայ...
 Նրան պէտք են խնջոյք, պալատներ—
 Արիւնդ քամիր տուր որ հագենայ...
 Ելիք, բարձրացիր... և այլն:

ՎԱՐՇԱԽԵԱՆԿԱ

Շաչում են սխերիմ հողմերն անընդհատ,
 Սև մութ ոյժերը կատաղի ճնշում,
 Նորանց դէմ վարում ենք օրհասական մարտ,
 Անյայտ մի վիճակ է մեզ դեռ սպասում:
 Բայց մենք կը պարզենք անվախ ու հպարտ,
 Ռազմի դրօշակը—բանւորի ազատ,
 Դրօշակը մեծ գործի ժողովրդական
 Յանունն նոր կեանքի սուրբ ազատութեան:

Դէպի մարտ արեան,
 Արգար, սրբազան,
 Քայլեցէք առաջ,
 Բանւորներդ քաջ!

Մեռնում է սովից բանւորը թշւառ,
 Ելի՞ համբերենք այս անխղճութեան.
 Մեր երիտասարդ քաջերի համար,
 Սարսափելի չէ ոչ մի կախաղան:
 Ընկնելով յանուն վեհ զաղափարի՝
 Մարտի գոռ դաշտում չեն կորչի անյետ, —
 Նոցա անունը երգով պանծալի,
 Բիւրւաւոր մարդիկ կը յիշեն յաւէտ:
 Դէպի մարտ արեան... և այլն:

Ատում ենք թագը բռնակալների,
 Պաշտում ժողովուրդ շարքաշ, վշտաբէկ,
 Նորա արիւնով ցօղւած գահերը,
 Մեր ոսոխների արնով կը ներկենք:
 Վրէժ, վրէժ անխնայ թշնամիներին,
 Ով կողոպտում է, ծըծում քեզ, բանւոր,
 Վրէժ, մահ անխաիր բոլոր ցարերին,—
 Մօտ է յաղթութեան ժամը փառաւոր:
 Դէպի մարտ արեան... և այլն:

ԹԱՂԱՍԱՆ ՔԱՅՆԵՐԳ

Դուք օրհասական կուռում զոհեցիք
 Ժողովրդի անսահման սիրոյն,
 Դուք աւիք նորան ինչ կարող էիք,
 Եւ սէր, և պատիւ և ազատութիւն:

Սոնաւ բանտերում հալումաշ եղաք...
 Իրենց անարգար դատավճիռը
 Դահիճ թշնամիք վաղուց են կազմել.
 Եւ շղթայակապ առաջ գնացիք:

Իսկ բռնակալը իւր պալատներում
 Գինով էր ուզում վանել իւր մտքեր,
 Բայց պատի վրա վաղուց էր գծում
 Ահաւոր ձեռքով անարկու խօսքեր:

Ձեզ հետևում են նոր մարտիկ խմբեր
 Մեռնելու պատրաստ քաջեր անձնէր,
 Դէհ բարև մնաք, դէհ բարև մնաք,
 Ձեր վսեմ ուղին դուք պատուով անցաք:

Եւ հոգոյդ խորքում վառ յոյսն է ապրում.
 Որ արդարութիւնը ուժեղ է սրից,
 Որ կը դայ մի օր, երբ կը գնահատեն
 Թափած արիւնըտ եղբօրդ համար:

Եւ՛ ժողովուրդն էլ կը զարթնի մի օր,—
 Ազատ ժողովուրդ, վեհ ու զօրաւոր,—
 Ազնիւ ընկերներ, դէհ բարև մնաք,
 Ձեր վսեմ ուղին դուք պատուով անցաք:



ԲԱՆԻՈՐՆԵՐԻ ԵՐԳԸ

(Ն. Ն.-ի)

Ձեր հարստութիւն, ոսկին ու շուքը
 Ձեր հանգստութիւն, կեր ու խնջոյքը —
 Մենք ստեղծեցինք մուրճով, քրտինքով
 Եւ մեր կարիքով, դաժան կարիքով..

Նայեցէք աղքատ այն խուլ թաղերին—
 Այն աղտոտ, հսկայ գործարաններին,
 Ուր նեղ ու մթին լուսամուտներով
 Տընքում են մրոտ ծխնելոյզներով..

Այնտեղ դժոխքում խիստ, լարած ջանքով
 Աշխատանքի մէջ մարդիկ են տանջւում..
 Հաց են վաստակում արիւն-քրտինքով,
 Բիւրաւոր ձեռքեր ճորտի պէս մաշւում:

Ձեր հարստութիւն, ոսկին ու շուքը,
 Ձեր կեանքն անդորր, կեր ու խնջոյքը
 Մենք ստեղծեցինք մուրճով-քրտինքով,
 Ուժասպառ դարձած, կոշտացած ձեռքով:

Նայեցէք մոռցւած այն նկուղներին,
 Ուր խոնաւ, ցեխոտ գեանի տակ մթին
 Գալարւում է մերկ-աղքատութիւնը,
 Կարճում իր կեանքը թշւառութիւնը..:

Մարդիկ կորացած՝ շտապով գործում,
 Գիշեր ու ցերեկ մուկներն են ծեծում,

Այնտեղ մշտական հոգսի տակ ընկած
Ճախարակի մօտ բանւորն է կանգնած...

Ձեր հարստութիւն, ոսկին ու շուքը,
Ձեր զւարճութիւն, կեր ու խնջոյքը,
Մենք ենք ձեռք բերել մուրճով-քրտինքով,
Ծանր ու չարքաշ մեր աշխատանքով:

Նայեցէք պարսպ, յղիացած բոռեր,
Թէ ինչպէս մարդիկ լիզը ձեռքերում
Սապատուն մէջքով փորում են հորեր,
Տանջւում գետնափոր, խոնաւ հանքերում:

Ճնշւում է կուրծքը համր խաւարից,
Գերեզմանային հեղձուկ գագերից,
Փռու մէջ խեղդւած, անյայտ, մոռացւած,
Մարդիկ գետնի տակ մեռնում են հազից:

Ձեր փարթամութիւն, ոյժն ու հաճոյքը,
Ձեր յարմարութիւն, շուք ու խնջոյքը
Մենք ստեղծեցինք սապատուն մէջքով
Եւ մեր անողոք, ստրուկ կարիքով...

Ո՞վ ձեզքեց կուրծքը այն յաղթ սարերի,
Մուկ խոռոչները անթափանցելի,
Երկաթուղիներ անսպասներով,
Այն ո՞վ կամուրջներ ձգեց գետերով...

Ըմբոստ ոյժերը ովկիանների
Ո՞վ յաղթահարեց վիթխարի կամքով,
Կատաղի թափը վայրի յորձանքի
Ո՞վ գսպեց արդեօք իր աշխատանքով...

Ձեր կեանքն ու բարիք, ձեր ոյժն ու ոսկին,
Ձեր իշխանութիւն ընդդէմ տարերքին,
Մենք ստեղծեցինք մուրճ ու կոր մէջքով,
Արիւն-քրտինքով, քաղժ ու տանջանքով,
Եւ մեր կարիքով, դաժան կարիքով...

Ո՞ւմ ոյժ ու ջանքով են կառուցանում
Շուքը տաճարի, գոռ պալատների,
Ո՞ւմ չարչարանքով երկինք բարձրանում
Հսկայ շէնքերը մեծ քաղաքների...

Ո՞ւմ աշխատանքով բերել, թափել էք
Լեռնակոյտերը ձեր սպրանքների,
Մենք դրանց համար քրտնել, մաշել ենք,
Բոլորը մեզնից խլեցիք ձրի:

Արթնացիր, ուրեմն, մերկ-աշխատաւոր,
Մուկ նկուղներից լոյս աշխարհ ելիր,
Է՛յ ազբասութիւն, ցնցոտի-տկլոր,
Վերջին պատասխան, դուրս եկ, պահանջիր:

Դուրս ելէք, խեղճեր, գունատ ու հիւժւած,
Ծիրուած շապիկով, սապատուն մէջքով,
Կոշտացած ձեռքեր, դուրս ելէք, յոգնած,
Քաղց ու զրկանքի անզուսպ բողոքով...

Արթնացիր ամբոս, խզիր լուծիւն,
Դուրս ել աշխարհի վիթխարի զաւակ,
Թո՛ղ որ ճոխութիւն, գոռոզ մեծութիւն
Լսի նոր խօսքդ վերջին, համարձակ...

Պահանջիր քեզ բաղդ, լոյս, ազատութիւն,
 Ազատ իրաւունք, հաւասարութիւն.
 Պահանջիր դու դո՛հ, սէր ու միութիւն,
 Ամեն տեղ տիրի թո՛ղ արդարութիւն...

Արթնացիր ուրեմն, մերկ-աշխատաւոր,
 Մութ նկուղներէց լոյս աշխարհ ելիր,
 Է՛յ աղքատութիւն, ցնցոտի-տկլոր,
 Վերջին պատասխան, արի՛, պահանջիր...

Ա Ջ Ա Տ Ա Մ Ի Տ Ը

(Նւէր մշակականներն)

Ոչ շատ խելօք ես, ոչ էլ շատ յիմար,
 Ոչ շատ բարի ես և ոչ էլ շատ չար,
 Ոչ շատ ուղիղ ես և ոչ էլ շատ ծուռ,
 Եւ քո արիւնը ոչ տաք է, ոչ ցուրտ:

Ազատասէր ես — միայն քեզ համար,
 Եւ բռնակալ ես — ուրիշի համար.
 Հարուստի առջև մէջքդ ես ծռում,
 Աղքատի դիմաց ատամդ սրում:

Գու պահանջում ես հաւասարութիւն,
 Որ քեզնից բացի ոչ ոք չէ ուզում.
 Որ մէկն աշխատի, իսկ միւսը լափի,
 Որ մէկը ծաղկի, միւսը թառամի:

Եւ մարդասէր ես, բայց միայն այնպէս,
 Որ հաստ փորովդ շատ չը վնասես:

Քո սուրը բուժ է, քո խոսքը անմիտ
 Եւ քո անունդ է, ազատամիտ:

Հազնընդվեր

* *
 *

Ա՛խ, մեր սիրտը լիքը դարդ, ցաւ,
 Օր ու արև չը տեսանք.
 Վա՛խ մեր կեանքը սևով անցաւ,
 Աշխարհից բան չ'իմացանք:

Հարուստ մարդիկ կուտեն-խմեն

Աշխարհի ձոխ սեղանից.

Մենք աշխարհի խորթ-աղէրքն ենք,

Մեզ փայ չը կայ աշխարհից:

Խեղճ աղքատի հողին դուրս գայ,
 Քարից-հողից հաց քամէ. —

Բեռով հացը հարուստին տայ,

Հարուստն ուտէ, վայելէ...

Խեղճ աղքատը դառը դատի —
 Դատարկ նստի... Է՛յ, աշխարհ,
 Էլ ի՛նչու ես քարը թողնում
 Քարի վրայ, քար-աշխարհ...

Ա՛խ, մեր սիրտը լիքը դարդ, ցաւ,
 Օր ու արև չը տեսանք.
 Վա՛խ, մեր կեանքը սևով անցաւ,
 Աշխարհից բան չ'իմացանք:

Ա. Խասակեան

Հ Ա Յ Ն Է Ի Յ

(Ազատ փոխադրութիւն)

Յողնած աչքերը էլ չեն արտասուում:
Նստած բանում են ու անէծք թափում:
«Պառաւ Գերմանիա, պատանդ ենք հիւսում
Եւ պատանիդ մէջ մեր անէծքները
Հիւսում ենք, հիւսում:

Անէծք արքային մեծատունների,
Որ ժողովրդի արիւնը քամեց,
Բանւորից խլած վերջին կոպէկով
Բանւորի համար գնդակ պատրաստեց:
Հիւսում ենք, հիւսում:

Դու, Հայր երկնային, մեր անէծքը քեզ!
Թշուառութեան մէջ, անօթի ու մերկ,
Աղօթել ենք քեզ զիշեր ու ցերեկ:
Դու հարուստինն ես, դու խաբել ես մեզ:
Հիւսում ենք, հիւսում:

Անէծք կեղծաւոր մեր հայրենիքին.
Աշխատաւորի արգար վաստակը
Անկուշտ աղան է հանգիստ վայելում
Նեխւած, բորբոսնած այդ հայրենիքում:
Հիւսում ենք, հիւսում:

Մեքենան անդու շաշում է, բանում,
Իսկ մենք կորացած անվերջ աշխատում.
Պառաւ Գերմանիա, պատանդ ենք հիւսում
Եւ պատանիդ մէջ մեր անէծքները
Հիւսում ենք, հիւսում:

ՄԱՇՏՈՑԻ
ԱԶԳԱՆ
ԿՐԹԱԳՐԱԴԱՐԱՆ

ՀԱՅԱՍՏԱՆԻ
ՄԱՇՏՈՑԻ
ԱԶԳԱՆ
ԿՐԹԱԳՐԱԴԱՐԱՆ

1153-2009

200

« Ազգային գրադարան
NL0124061

ԼՈՅՍ ԵՆ ՏԵՍԵԼ

Մրաւեան. ժամանակ է սթափուելու 15 կ.

» Դաշնակցութեան կրիզիսը 15 կ.

Լեւիօ. Ինչ են ցանկանում սօցիալիստները . . . 3 կ.

Րիխարդ. Ինչու ենք անջատում Դաշնակցութիւնից 5 կ.

Աշխատաւորի երգերը 3 կ.

Շուտով լրջ կը տեսնեն.

Րիխարդ. Ազգութիւն և դասակարգ.
 Սժրատ Սժրատեան. Դաշնակցութիւնը և նրա
 պաշտպանը.